

KOMISIJA ZA TUMAČENJE KOLEKTIVNOG UGOVORA ZA DJELATNOSTI PREDŠKOLSKOG ODGOJA I OSNOVNOG ODGOJA I OBRAZOVANJA U KANTONU SARAJEVO

Na osnovu člana 172. Kolektivnog ugovora za djelatnosti predškolskog odgoja i osnovnog odgoja i obrazovanja ("Službene novine Kantona Sarajevo", broj: 24/22, 40/22, 7/24, 29/24, 39/24 i 17/25 – u daljem tekstu: Kolektivni ugovor), Komisija za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo na 52. sjednici održanoj 20.2.2026. godine, donijela je

Autentično tumačenje člana 110. stav (1) tačka a) Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: broj: 24/22, 40/22, 7/24, 29/24, 39/24 i 17/25)

„Član 110.

(1) Javni konkurs nije potreban za sklapanje ugovora o radu:

a) u hitnim, odnosno vanrednim slučajevima u koje se ubrajaju: smrt radnika, iznenadno i nenajavljeno bolovanje, porodijsko odsustvo i sl.), u skladu sa zakonom, u toku školske godine na određeno vrijeme u ukupnom trajanju do 180 dana i to na način da direktor radnika može angažovati do 60 dana bez javnog konkursa, a za periode duže od 60 dana direktor prethodno mora pribaviti pisanu saglasnost koju, na prijedlog Komisije Ministarstva za zbrinjavanje radnika ustanova za čijim je radom potpuno ili djelimično prestala potreba, daje ministar,“

Citirana odredba člana 110. stav (1) tačka a) Kolektivnog ugovora ima za svrhu zaštitu dva načela i to: načela prijema radnika u javnim ustanovama prvenstveno putem Javnog konkursa i načela osiguranja nesmetanog obavljanja osnovne djelatnosti ustanove te se odnosi na obavezu direktora da postupa po zakonskim propisima, vodeći računa o pravima učenika na obrazovanje, pri čemu može u hitnim, odnosno vanrednim slučajevima angažovati radnika i bez provođenja Javnog konkursa u ukupnom trajanju do 180 dana, nakon prethodno pribavljene saglasnosti ministra.

U slučajevima kada je direktor primjenom člana 110. stav (1) tačka a) Kolektivnog ugovora angažovao radnika na upražnjeno radno mjesto i preduzeo sve potrebne aktivnosti s ciljem prijema radnika putem javnog konkursa, a kada iz objektivnih razloga radnici nisu mogli biti angažovani putem javnog konkursa, odnosno nastupile su vanredne okolnosti, s ciljem osiguranja nesmetanog obavljanja osnovne djelatnosti ustanove direktor može da angažuje radnike i nakon isteka perioda od 180 dana uz prethodno pribavljenu saglasnost ministra.

Saglasnost na prijedlog Komisije Ministarstva za zbrinjavanje radnika ustanova za čijim je radom potpuno ili djelimično prestala potreba daje ministar nakon prethodno provedene procedure utvrđivanja činjeničnog stanja po zahtjevu ustanove.

Odluka o autentičnom tumačenju člana 110. stav (1) tačka a) Kolektivnog ugovora je donesena na 52. sjednici Komisije održanoj 20.2.2026. godine jednoglasno konsenzusom.

ČLANOVI KOMISIJE

Abid Fejzić, predstavnik Poslodavca

Saudin Sivro, predstavnik Sindikata

Senad Sladić, predstavnik Poslodavca

Envera Šukman, predstavnik Sindikata

**KOMISIJA ZA TUMAČENJE KOLEKTIVNOG UGOVORA ZA DJELATNOSTI
PREDŠKOLSKOG ODGOJA I OSNOVNOG ODGOJA I OBRAZOVANJA U
KANTONU SARAJEVO**

MINISTARSTVO ZA ODGOJ I OBRAZOVANJE KANTONA SARAJEVO

n/r ministrice

**SAMOSTALNI SINDIKAT OSNOVNOG OBRAZOVANJA I ODGOJA FBIH -
KANTONALNI ODBOR KANTONA SARAJEVO**

n/r predsjednika

PREDMET: Dostava tumačenja po zahtjevu

Komisiji za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22, 7/24, 29/24, 39/24 i 17/25 - u daljem tekstu: Kolektivni ugovor) obratio se Sindikat, kao jedna od ugovornih strana, aktom broj: 1951/25 od 03.12.2025. godine i aktom broj: 260/26 od 5.2.2026. godine koji se odnosi na tumačenje člana 110. stav (1) tačka a) Kolektivnog ugovora u dijelu postupanja direktora u situaciji kada iz objektivnih okolnosti nije izvršen prijem radnika putem javnog konkursa a radnici su već bez javnog konkursa angažovani 180 dana.

U vezi s navedenim, obavještavamo Vas da je Komisija na 52. sjednici održanoj 20.2.2026. godine, donijela autentično tumačenje člana 110. stav (1) tačka a) Kolektivnog ugovora, koje Vam dostavljamo u prilogu ovog akta.

Podsjećamo da je članom 172. Kolektivnog ugovora propisano da tumačenja Komisije imaju pravnu snagu i učinak ovog Kolektivnog ugovora te da je obaveza Ministarstva za odgoj i obrazovanje Kantona Sarajevo da tumačenje objavi na službenoj internet stranici Ministarstva, a obaveza Sindikata je da tumačenje objavi na službenoj internet stranici Sindikata.

S poštovanjem,

**Komisija za tumačenje Kolektivnog ugovora za
djelatnosti predškolskog odgoja i osnovnog
odgoja i obrazovanja u Kantonu Sarajevo, s.r.**